



O **GALICIA HEAD TOUR**, circuíto xuvenil organizado pola Federación Galega de Tenis, disputarase nas categorías Alevín, Infantil, Cadete e Júnior masculino e feminino.

As sedes serán establecidas pola Federación Galega de Tenis. Poderán participar no **GALICIA HEAD TOUR** tódolos xogadores/as con licenza federativa en vigor pola RFET no ano no que se celebren as probas, nas seguintes condicións:

O **GALICIA HEAD TOUR** componse de:

- a) Cinco TORNEOS HEAD en cada categoría.
- b) CAMPIONATOS GALEGOS Alevín, Infantil (Manuel Alonso), Cadete e Júnior.
- c) MÁSTER GALICIA HEAD TOUR.

A Federación Galega de Tenis resérvase o dereito de facer algunha modificación no regulamento de competición se así o estima oportuno. Esta estrutura poderá verse modificada segundo a situación sanitaria.

## DIVISIÓNS

Nos TORNEOS HEAD estableceranse divisións en función do número de xogadores e xogadoras inscritas en cada categoría e non haberá previa.

Nos CAMPIONATOS GALEGOS, o acceso será polo ranking nacional e se fora necesario xogarase fase previa. Establécese un regulamento onde o sistema de entradas é o seguinte:

Xogadores/as Inscritos/as	Regulamento de entradas e tamaño dos cadros			
	Primeira	Segunda	Terceira	Campionatos Galegos
1-12	12			32
13 a 16	16			
17-24	Máx. 16	8		
25-32	16	Máx16		
33-40	16	Max 16	8	
41 ou máis	16	16	Aberta	
Acceso Ranking Nacional	50%	50%	50%	100%
Acceso Puntos Circuíto	50%	50%	50%	-
Previa	-	-	-	Aberta
Accesos de previa	-	-	-	8

1. O acceso aos cadros seguirá a seguinte norma:

1º. 50% polo ranking Head.\*

2º. 50% polo ranking nacional.

- Na primeira proba os/as xogadores/as aceptados/as directamente saen por clasificación nacional.
- No caso de igualdade en puntos Head, terá preferencia o/a xogador/a que teña un mellor ránking nacional e viceversa. Se houbera igualdade en ámbolos dous rankings o desempate será por sorteo.
- Esta norma non será aplicada nos Campionatos Galegos, nos que o acceso será por ranking nacional (ou designación FGTenis).

2. O/a xogador/a que quede campión/campiona dunha categoría, terá unha praza directa para xogar na categoría superior. Para poder acceder a esta praza, terá que solicitalo por escrito nas observacións no momento da inscrición. No caso de non solicitalo, ocupará a praza que lle corresponda segundo os criterios de acceso especificados no punto 1.
3. A Federación Galega de Tenis resérvase 4 prazas de WC para cada división, que poderá utilizar se o considera oportuno.
4. As/os xogadoras/es poderán inscribirse en dúas categorías como máximo nos torneos Head e nas tres modalidades dos campionatos galegos (individual, parellas e mixto). Agás se se especifica o contrario nas bases do torneo.
5. Os xogadores que na mesma semana sexan convocados para representar a Federación Galega de Tenis, deberán recibir autorización por parte da FGTenis para participar na proba do circuíto
6. Os/as xogadores/as que non teñan licenza da Federación Galega, poderán disputar todas as probas do circuíto, a excepción dos campionatos galegos.
7. Para poder participar nos campionatos galegos, os/as xogadores/as non pertencentes ao espazo Schengen deben acreditar licenza federativa e residencia en Galicia nun período de 2 anos para menores de 14 anos e de 3 anos para xogadores/as de 15 a 18 anos.

### CABEZAS DE SERIE

Regulamento cabezas de serie		
Cadro Final	8 a 23	24 a 32
Cabezas de serie	4	8

- O criterio para establecer os cabezas de serie será a clasificación nacional.

\* Nos Campionatos Galegos alevín e infantil, os cabezas de serie poderán ser designados pola FGTenis.

### SISTEMA DE PUNTUACIÓN

1. Campionatos Galegos.:
  1. Cadros Principais a 3 sets. Fases previas 2 sets + súper tie break, é as modalidade de parellas 2 sets+ súper tie break con “no ad”.
2. Torneos HEAD:
  1. 2 sets + súper tie break

### SISTEMA DE CLASIFICACIÓN – RANKING CIRCUITO

1. Os/as xogadores/as participantes nas probas do GALICIA HEAD TOUR obterán puntos do circuíto, segundo a táboa:

Regulamento de puntuación do Circuíto				
Rolda	División 1ª	División 2ª	División 3ª	Campionatos Galegos
Campión/Campiona	50	20	12	80
Finalista	40	15	10	70
Semifinalistas	30	10	8	50
Cuarto finalistas	20	8	5	35
Oitavos	15	6	3	25
Dezaseisavos	-	-		20
Previa Final				15
Previa SF				10
Previa CF				5

- O/a xogador/a que perda na primeira rolda, obterá 10 puntos na primeira división, 4 puntos na segunda división e 2 puntos na terceira división (independentemente da rolda que sexa, este/a xogador/a solo sumará estes puntos). O/a xogador/a que non dispute ningún partido (w.o.), non obterá ningún punto.

## **ARBITRAXE**

1. Arbitraranse as finais de individuais dos campionatos galegos e as das primeiras divisións do circuíto.

## **PENALIZACIÓN**

1. Un/ha xogador/a que sexa expulsado/a dunha proba quedará tamén excluído/a de todas as categorías nas que participe nese torneo, ademais, non terá dereito a recibir puntos do Circuíto por ese torneo.
2. Esta penalización non exclúe de outras posibles sancións que poidan aplicar os órganos sancionadores competentes.

## **MÁSTER HEAD**

- Á finalización do Circuíto, os/as 8 xogadores/as mellor clasificados/as\* en cada categoría, terán a opción de disputar o MASTER do GALICIA HEAD TOUR onde se repartirá material deportivo entre os/as participantes.  
\*Para establecer a clasificación definitiva contabilizaranse os n-1 mellores resultados de cada xogador/a (sendo "n" o número de probas organizadas).
- Para poder optar ao máster é obrigatorio xogar polo menos 3 probas do circuíto.
- Como criterio de clasificación, terán prioridade os/as xogadores/as que houberan participado en alomenos 3 probas na primeira división.
- Ao finalizar as probas do Circuíto, publicarase a listaxe de clasificados/as (e suplentes). Para disputar o máster, é necesario inscribirse, no caso de non facelo, o posto será ocupado polo 1º suplente confirmado e así sucesivamente ata completar os/as 8 xogadores/as.
- No caso de non cubrirse as prazas, a FGtenis resérvase WC para ocupar as vacantes.
- O formato do máster será establecido nas bases.

## **PREMIOS**

1. Os/as xogadores/as recibirán os seguintes premios:
  - a. Campión/Campiona do máster en todas as categorías:
    - 400 € en material deportivo.
  - b. Subcampións/Subcampionas do máster en todas as categorías:
    - 275€ en material deportivo.
  - c. Semifinalistas do máster en todas as categorías:
    - 150€ en material deportivo.
2. O reparto de premios e regalos total ao longo do Galicia Head Tour será de 12.600€ en material deportivo.
3. É obrigatorio asistir as entregas de premios para poder recibir os trofeos e regalos.

## **INFORMACIÓN PROBAS**

1. Toda a información da competición (bases, inscrición, orde de xogo, cadros, etc.) estará publicada na páxina web da Federación Galega de Tenis [www.fgtenis.net](http://www.fgtenis.net).

## **CONTACTO:**

Coordinador: Carlos Coira

Email: [torneos@fgtenis.net](mailto:torneos@fgtenis.net)

Tlf: 667688432 (whatsapp)